

「港普F4」合體拍內地真人騷

# 蔡少芬自誇

# 「顏值擔當」

## 樣靚 身材正

由蔡少芬(Ada)、朱茵、陳法蓉及洪欣組成的女團「港普F4」，將首次合體登上內地真人騷《請吃燒烤的姐姐》，不過節目還未出街4人已「火」花四濺，Ada笑稱自己是4人中最年輕成員，更自誇「顏值擔當」，並嘲3位好姊妹才是「港普」，她的普通話發音最正確。

■右起蔡少芬、朱茵、洪欣及陳法蓉都是「美魔女」。



■蔡少芬出席節目宣傳活動時妙語如珠。

由蔡卓妍(阿Sa)、周柏豪及惠英紅(紅姐)等合演的電影《感動她77次》將於下月上映，影后紅姐繼《原諒他77次》與阿Sa再續母女情，她笑言：「這個媽咪角色在兩集遭遇各有不同，上次遇着個比較粗暴的老公，一切甜酸苦辣都往肚裏吞，今集她的丈夫去世了，竟重遇初戀情人。」有趣的是，戲中紅姐的丈夫及初戀情人，均由鄭丹瑞一人分飾。

## 惠英紅蔡卓妍再續母女情

對於今次再與阿Sa及周柏豪合作，她覺得二人都比上集成熟了，對生活與愛情的想法均較上集有進步，「如果有兒女的話，也會跟電影一樣做個開明的媽咪，人生短短幾十年，如果有緣走在一起，就不應該浪費時間。我覺得戲中Eva(阿Sa)與Adam(周柏豪)就是有點浪費時間，既然相愛，何不包容與珍惜對方呢？」

■紅姐讚阿Sa比上集成熟了。



■鄭則士與許悅銘一起為電影宣傳。



眾所周知，4人是圈中數一數二的閨蜜團，相識逾20載，姊妹情深。對於「港普F4」首次一起拍攝真人騷，Ada表示期待已久，由4人成為好姊妹開始，她一直期待可以合作拍戲或上節目，今次終得償所願，而節目中她們將合夥開燒烤店，4人流露不少情感，形容是集淚水、開心、搞笑等甜酸苦辣於一身，Ada說：「我哋會否擦出火花？因為我哋關係太好，好到有啲爛，好驚火花一擦就燒着大家，因為我哋每個人性格都好獨特，平時我哋私下玩，都會有鬧交、唔開心嘅時候，所以我哋一齊工作應該會有火花，不過會係好個方面。」

Ada深信4人一起做節目，一定會有默契，互相發揮專長，她說：「我應該負責搞氣氛，好多時4人一齊食飯，我都係主動啲、搞啲笑，朱茵就係笑吓掛住食嘢，洪欣比較多嘢講，但會由頭講到尾，我就會講『其

實你講重點得啦』，至於陳法蓉博學多才，喺節目可以提出好多得意問題。」Ada續說真人騷只要夠真就會好睇，她笑說：「其實佢哋真係要向我請教，我係佢哋老師，無論咩類型真人騷我做咗好多，而佢哋經驗太少，哈哈！」

### 普通話被張晉嘲冇得救

4人都被稱為「美魔女」，問到當中誰「顏值擔當」？Ada即笑言：「唔使講，我從來都有話過我最靚，不過真係唔使講，第一，4個之中，我最年輕，高度嚟講，我係最高個，樣靚身材正呢家嘢，真係好難講。」至於4人中誰的普通話發音最「港普」？Ada再次發揮搞笑本色表示：「佢哋3個都好港普，但我唔係，我啲普通話比較清楚，我應該係最標準。(向老公惡補普通話?)唔需要，我老公話冇得救，仲話我學好咗就冇得笑，不過佢係錯嘅，我覺得我已經學得好好。」

## 鄭則士喜見潛力接班人

由王晶、許悅銘聯合執導的電影《金錢帝國：追虎擒龍》，集合5大影帝古天樂、吳鎮宇、梁家輝、林家棟及鄭則士(Kent哥)演出，昨日許悅銘與Kent哥一起為電影宣傳，入行13年編劇出身的許悅銘首次執導便與多位影帝合作，他直感到壓力，幸好大家很錫他，「Kent哥就好衰……佢永遠唔畀第二take我，拍第一take就已經OK！」

Kent哥表示演出《追龍》時認識許悅銘，大讚對方有潛力，工作好穩陣，今次是大投資製作，相信他的表現會對得住大家，亦好高興影圈有這個接班人。戲中Kent哥再度演繹豬油仔一角，站在黑白兩道中間，既要自保但又怕恩人冇事，所以好大矛盾掙扎，唔知自己是否拿捏得好！他又讚各演員無私付出，大家會不停試戲，所以拍攝好順暢，覺得團結精神好緊要。

場地：富薈旺角酒店

■陳國坤與楊盼盼都熱愛武術。



## 扮演偶像感受高處不勝寒 陳國坤對李小龍暗生憐憫

陳國坤應邀為楊盼盼主持的《盼你賞面》擔任嘉賓，盼盼更為他炮製「紅燒肉」，還讓他打包帶回家給太太黃伊汶及兒子陳真品嚐。席間陳國坤大談對偶像李小龍的感受，雖然未見過李小龍真人，但因為一套《精武門》令他對李小龍着迷，「龍哥(李小龍)對我由細到大概影響都好特別，細個因為佢，我會周身郁，好有表演慾，到大個咗開始睇佢嘅書，慢慢會鍾意佢嘅世界、佢嘅價值觀，我個人變得好好有正義感。」

入行多年以來，陳國坤演過4次

李小龍角色，其中《李小龍傳奇》令他最大體會，「拍攝7個月，好享受，演了李小龍一生，更加了解李小龍的其他細節，感覺就好像佢陪住我拍咁，對佢嘅了解都一日比一日熟。拍完有少少憐憫佢嘅感覺，發覺佢原來好無助、高處不勝寒。」至於《葉問4》是他所演過的李小龍角色中最滿意的一個，「記得之前《葉問3》，拍完一場踢腳戲後，行過聽到八爺(袁和平)講『小龍(陳國坤花名)啲腳都係差啲』，我聽到好大打擊，即刻同八爺講對唔住，話我會將腳練好。」此外，他又感謝周星馳提拔，能夠參與《少林足球》、《功夫》令他知名度大增。